

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Meditationum evangelicarum volumen tripartitum

Creidius, Hartmann

Francofurti ad Moenum, 1682

Exegesis

[urn:nbn:de:bsz:31-122776](#)

Dominica Oculi.

94

typus erat Simson ille terrenus. Huic occurrit etiam Leo non corporalis, sed infernalis, in oblesso aliquo homine, quem cœcum, surdum & mutum reddidit. At heroico zelo invadit eum, & miserari illam ovem digito Dei ex faueibus leonis eripit, quod majori certe admiratione dignum est.

Intuebimur nos historiam illam propius, quæ tribus potissimum partibus absolvitur.

- I. *Demonii ejactio.*
- II. *Miraculi acceptio.*
- III. *Christi defensio.*

JJ.

EXEGESIS.

PRÆSENS Dominica vocatur Oculi ex Ps. 25. v. 15. quo nomine pii Veteres resperxerunt ad insidias Diaboli, quibus à dextris & sinistris nos semper oppugnat tanquam infernalis venator, Ps. 91. v. 3. & monere voluerunt Christianos, ut oculos habent apertos & vigilantes, ad Deum, per serias preces directos, si misericordia hujus venatoris effugere velint. Quem in finera ordinarent pericopam talem, quæ tam Diabolus truculentiam quam Christi potentiam nobis ob oculos ponit. Nam erat Jesus ejiciens dæmonium, inquit Evangelista & illud erat mutum, cumque ejecisset dæmonium, locutus est mutus, in quibus verbis duo cumprimis ponderanda sunt:

1. *Miserum spectaculum.* Nam homo ille, qui Christo adduciatur, erat corporaliter obesus à Diabolo, & non tantum mutus, sed etiam surdus, ut vox græca κωφὸς subiunxit. Matthæus addit, fuisse ipsum quoque cœcum, c. 12. v. 22. O pestiferam dæmon-

nis astutiam, utramque viam occupavit atque obstruxit, quibus erat ille crediturus, visum scilicet atque auditum, exclamat Chrysostomus.

Eiusmodi potestate naturaliter obtinet super totum genus humanum, quod per peccatum transtulit in regnum suum, Col. 1. vers. 13. homines per naturam sunt quasi ipsius palatum filii iræ, Eph. 2. v. 3. Servi peccati, Joh. 8. vers. 34. Hoc nomine vocatur fortis armatus, quia armatur per peccata nostra, quæ sunt ipsius aculeus, 1. Corinth. 15. v. 55. & quemadmodum opifex in sua officina per varia instrumenta pro lilibitu operatur: Ita quoque Satanæ in hominibus incredulis & impiis efficax est, & ad omnis generis flagitia ipsos impellit, Eph. 2. v. 2. 2. Tim. 2. v. 26.

Quamvis enim benignissimus Deus ex immensa dilectione Filium suum unigenitum mundo dederit, Jch. 3. v. 16. ac per illum genus humanum ex potestate & regno Satanæ liberaverit, attamen Diabolus summis viribus tenitur, & conatu quanto potest maximo hoc agit, ut maximam hominum partem in regno suo captivam detineat, ne beneficij hujus participes reddantur. Multi etiam sponte in captitate illa permanent, & contemnunt Dei consilium aduersus semetipos, Luc. 7. v. 30.

Hæc est spiritualis obesus, quæ Christiani nominis hostis, quos sibi subjugavit, reddit cœcos, ut non videant claritatem Evangelii, 2. Cor. 4. vers. 4. reddit muros, ut aures habeant, & tamen non audiant, quod de idolis ait Psalmus regius, Ps. 115. v. 6. conf. Isa. 6. vers. 9. Jer. 6. vers. 10. reddit muros, ut non loquantur eloquia Dei, sed blasphemias, execrationes, turpiloquia, obscenitates, quæ sanctos non decent, Eph. 5. v. 4. Ergo orate,

orate, vos mei, nam sicut Christus Spiritu Dei ejecit dæmonia, ut dicit in Evangelio: Ita per preces ex vera in Christum fide & Spiritus ardore profectas contra Satanæ insidias munire nos possumus. Nam Spiritus S. est Spiritus gratiæ & precum, Zachar. 12. vers. 10. Econtra verò sicut civitas muris carens facili negotio ab hoste occupatur: Ita cor hominis, quod vero DEI timore & precibus non est munitum & circumvallatum, facili negotio in Potestatem Satanæ redigitur, confer Tob. 8. vers. 2. ubi per nidorem hepatis ex pīce Asmodæus fugatus esse legitur. Talem vim habent etiam odoramenta precum, Apoc. 8. vers. 3.

Leo terretur cantu galli: Ita leo infernalis precibus ex vigilanti spiritu profectis deterretur & abigitur, I. Petr. 5. v. 8. 9.

2. *Insigne miraculum.* Fortis quidem armatus est Satanás, sed longè fortior Mef-sias, qui ipsum expulit, unde cœco visus, furdo auditus, muto loquela restituta fuit, adeoque quatuor simul in uno homine miracula perpetrata sunt.

Evidenter hinc evincitur, Christum esse verum Messiam, & Magistrum ad salvandum, qui non solum in diebus carnis sue circumivit, & beneficit, & liberavit, qui à Satana affligebantur, Act. 10. vers. 38. Sed adhuc pro nobis pugnat, & contra hostem infernalem suos fideles acriter defendit, nam in manibus suis descripsit eos, Esa. 49. v. 16. conf. Es. 54. v. 10.

De Secundo.

Sequitur miraculi acceptio, quæ est

1. *Dextra,* quæ pertinent

1. *Admirantes.* Nam admiratæ sunt turba, inquit Evangelista, & non simplici-

ter admiratæ sunt, sed ut Marthaens explicat, εξισαρτο, quod est obstupescere, & de statu mentis dejici, ut in raptibus fieri solet. Agnoscent igitur ex hoc miraculo Christum esse Davidis filium, Matth. 12. vers. 23. id est, verum Messiam, & promissum mundi Salvatorem; quamvis postea blasphemantibus Christum Pharisæis, os sibi obturari sinunt, & confessionem occultant, quod infirmati ipsorum ascribimus.

Nos quando videmus Deum adhuc hodie miracula operari in cœlo, in terra, in mari, &c. non floccipendamus ea, sed admiremur cum turbis in præsenti Evangelio, & virtutem Dei annunciemus, qui vocavit nos de tenebris in admirabile lumen suum, I. Pet. 2. vers. 9. Caveamus autem, ne in duas partes claudicemus, I. Reg. 18. vers. 21. Sed quod corde credimus ore quoque confiteamur, Roman. 10. v. 10. nam tepidos evomet Dominus, Apoc. 3. v. 16.

2. *Depradicantes,* quoram fortasse plures fuerunt, sed unica hæc erumpit muliercula, quæ vocem suam extollit, & beatus venter, inquit, qui te portavit, & ubera quæ sūxisti. Sed quia à Christo unico salutis nostræ fundamento ad Mariam defabitur, acceptat quidem Christus præconium illud, quatenus de felicitate & prærogativa externa accipitur, quam Maria mater Christi habet præ omnibus aliis mulieribus, sed quia hoc nihil facit ad veram beatitudinem, quæ in altero seculo fidelibus præparata est, corrigit Christus illam exclamationem, & imò, inquit, beati, qui verbum Dei audiunt & custodiunt. Hoc est unicum medium, quo custodimur per fidem in salutem, I. Pet. 1. v. 5.

Mulier hæc suo nos docet exemplo, quām facile Deus etiam præter spem aliquos exci-

rare